

摘藻堂四庫全書薈要

經部

欽定四庫全書薈要

經部

易緯乾坤鑿度卷上

下



御製題乾坤鑿度

乾坤兩鑿度撰不知誰氏矯稱黃帝言蒼頡為修飾

叶

以余觀作者蓋後於莊子南華第七篇率已揭其旨儻

忽鑿七竅竅通混沌死乾坤即儻忽混沌實太始乾坤

既鑿開太始斯淪矣言易祖繫辭頗覺近乎理靈圖測

險隲

字彙補作險隲云古文陰陽字見乾坤鑿度與此字體稍異

乃或述識緯

叶有

純亦有疵稽古堪資耳黃震著日抄所論正非鄙欽若
斯足徵撫卷勵顧諟

乾隆癸巳孟夏

欽定四庫全書薈要

易緯總目

乾坤鑿度二卷

乾鑿度二卷

稽覽圖二卷

通卦驗二卷

辨終備一卷

是類謀一卷

乾元序制記一卷

坤靈圖一卷

欽定四庫全書薈要

易緯乾坤鑿度

提要

臣等謹按乾坤鑿度二卷隋唐志崇文總目皆未著錄至宋元祐間始出紹興續書目有蒼頡注鑿度二卷後以鄭氏所注乾鑿度有別本單行故亦稱此本爲三鑿度程龍謂隋焚讖緯無復全書今行於世惟乾坤二鑿度

是也其書分上下文各為一篇上篇論四門
四正取象取物以至卦爻著策之數下篇謂
坤有十性而推及於蕩配凌配又雜引萬形
經地形經制靈經著成經含靈孕諸緯文詞
多聱牙不易曉故晁公武疑為宋人依托胡
應麟亦以為元包洞極之流而胡一桂則謂
漢去古未遠尚有祖述有裨易教評隲紛然
真偽莫辨伏讀

御製題乾坤鑿度詩定作者爲後於莊子而舉應
帝王篇所云儵忽混沌分配乾坤太始以推
求鑿字所以命名之義援据審核折衷至當
臣等因考列子白虎通博雅諸書皆以太易
太初太始太素爲氣形質之始與鑿度所言
相合獨莊子於外篇天地略及秦初有無之
語而其他名目緊未之見則儵忽混沌實即
南華氏之變文作鑿度者復本其義而緣飾

之耳仰蒙

聖明剖示精確不刊洵永為是書定論矣按七經
緯皆佚於唐存者獨易逮宋末而盡失其傳
今永樂大典所載易緯具存多宋以後諸儒
所未見而此書寔為其一謹校定訛缺釐勘
審正冠諸易緯之首而恭疏其大旨於簡端
乾隆四十一年八月恭校上

總纂官臣紀昀臣陸錫熊臣孫士毅

總校官 臣陸費墀

欽定四庫全書薈要卷五百六

經部

易緯乾坤鑿度卷上

乾鑿度

庖犧氏先文

公孫軒轅氏演古籀文

蒼頡修為上下二篇

蒼頡黃帝史官其注亦是蒼頡

黃帝曰太古百皇闢基文籀

離厚反又直祐反非周宣王時史籀也

遽理

微萌始有熊氏

有熊氏庖犧氏亦名蒼牙也

知生化祗晤茲天心

與天

同生知化之本抵暗曉也天垂萬化之心令羣物不息
抵本也○按息字原本作惠從明范欽本改正抵字原
本作托范本作氏
並誤今據文改正
謫念虞思慷慨
反方查
慮萬源無成
人聖

知化萬源不成其流慷慨盡聖與智設幾教門源流之
性大行○按與字原本誤作無門字原本誤作門今從

范本
改正
既然物出始俾太易者也
太易天地未分
太易始

著太極成太極成乾坤行
太易無入有聖人知太易有理未

形故曰
太易
老神氏曰
天英
性無生
天地未分
生復體
生與

道精還復歸本體
亦是從無入有
天性情地曲巧未盡大道各不知其

自性乾坤既行太極大成
太極者物象與天同極天產
聖人射萬源立乾坤二體

設用張弛究天性與情曉地曲育巧成之道軀音指黃帝曰聖人索顛作天索易

盈跂反以地俯仰而象遠近而物浩而功然而立古聖人有巢氏

求索顛危之意若天之懸遠求平易之理若地之順道又庖犧氏中聖始畫八卦錯文字契仰觀其乾象俯察

其地理用器遠近配物畫卦立文書垂訓後晚浩大之功成然者容易之立不失其德位太古斷元

聖人法地極先生而設位物成而麗諸形錯煊班者雜文○按

生字原本誤作王煊字原本誤作煊今並從范本以文改茹茹塞以魚虞獸以

韋上齒以壽古前法物以授後析薪以策運著以數王

天下者也以太古斷元有巢氏以前元氣已斷為天又聖人法物以地有巢氏之法地物用注云物

者魂氣太極立萬彙成物成而麗形物纔成麗著形性
已上太古先造不知何氏之為也已後聖人者庖犧氏
錯編以文智雜綵編爛合成籀文非篆非綈也云以鳥
跡非也改茹血毛成田漁獵狩革皮為冠皮服上齒古
太老先以前未及甲歷歲紀人老以齒為前長老民法
物以後者後也今萬物作法而成虞獵也革皮也○按
注中先造范本作元造
人老二句疑有脫誤
太易變教民不倦聖人觀太易

彙不倦日用日增日死日生大化
行也有形之類生於無形者也
太初而後有太始萬

有形
始生
太始而後有太素萬物素質者也
有有形始於弗不

形有法始於弗法太易氣未分太初氣始見太始
物有形太素萬物素質由淳在極先

元見軌轍法度而道
行大道也
像倝申舒
章流立文以詁詁訓
息孫

而後傳授天老氏而後傳授於混沌氏

遽文化源之文太易萌始之理

萬物不知性命人究得其物源大化變流息孫聖人恐大法不行遽疾傳授

而後授天英氏

而後傳無懷氏

是天雄之生無懷古聖德智大行知物無益又法天地春生夏長秋死冬藏而

濟時者也○按注天雄疑當作天英

而後傳授中孫炎帝神農氏中聖古

法淳物元造不足益之器用農穀衣蓆

辛勞反細草以衣御形也

高

以飾乘卑以飾足

先文古淳無飾字云裝褫高者老上之名也以乘裝行卑者下奉之名以

裝足步右從跣變以冠履也

而後傳烈山氏而後授三孫帝釐氏次

授老孫氏

老孫氏公孫氏也軒轅氏也

公孫軒轅氏益之法神器車

符文左武右三器備御

三器者國器家器祀器而設武戈刃

自上古及下

帝孫大熟

大熟者熟成道法也

化演設民弗倦益物弗限

增多曰益限止

盡祕先之旨闕接引

大道大法大化祕機謀籌咸亨帝業民用不知者也

聖人顯

其機智

密不萌形萌也動不知來知也

聖人曰

凡言聖人庖犧氏云聖人也

乾坤對

太易興設法軌壞而息

大道壞亦息

智之易

亦字變動者也聖人法也○按

上注及此文二亦字疑作易變動范本作變易

八卦變策象數庶物老天地限

以爲則

太易行於乾坤乾坤作用於太易八卦變萬彙隨卦爻之用盡天地之老代限古極也易理順

時變化不著一方故曰智之易變易變神也

庖氏先文乾鑿庀

古庀字今變也○按注庀

字疑當從度後同

勅天門以爲名

乾者天門坤者人門於後說備也

古有先文

未析真寘

古有先文未析開名目次第之也

太古文目

太古距庖氏有上云文不知何述其源也

先元皇介而後有垂皇策而後有萬形經

古文字無經字

而後

有乾文緯

緯者古本經已後不知緯字何也經之與緯是縱橫之字

而後有乾鑿庀

古庀字坤鑿庀○按坤鑿庀三字當是正文誤入註中

而後有考靈經而後有制

靈圖

龜書是也兆象

而後有河圖八文

河圖者河中得天書文圖詔龍銜出似非綈非

文而後風后演云天一太一星斗同衡卦錄神算通天下之鉗與神謨先兆之名○按之鉗與三字原本誤作

邊鉞與今從范
本鉞似應作鈴

而後有希夷名

天文後說

而後有含文嘉

亦名

瑞文而後有稽命圖

算文

而後有墳文而後有八文大籀

此按

二字疑小注混入正文范本無

而後有元命包一十四文大行帝用垂

皇策與乾文緯乾坤二鑿庀此三文說易者也

已上三文說易

之源契通大化易動天元變易不定知生死之說究天地情性與神明運氣象日月不能逃其數萬彙不能隱其徵運天地大道者也

元皇分雖測問墮隲

古陰陽字古無陰陽字以乾坤字便爲陰

陽術行大旨也

考靈經考者成也諸靈術行化本於代希夷名天象之名三恆三官内外中九

道三十六圖之理亦名渾同書天墳文古墳書先墳而後典八文籀古文體又先庖都也

乾鑿度聖人頤乾道浩大以天門爲名也乾者天也川

也先也川者倚豎天者也

人乾

乾者乾天也

古乾字乾燥亢陽之

名天云太灝乾燥下潤今之乾者乾涸非也

又天也

聖智畫卦爲三三象川形川倚立其天亦爲天

川浩蕩者天之用乾非天之用○按其天疑當作其文

乾先也

聖文先天之名故乾道天之名於後

古天一前曰天古舜字天今一大

乾訓健壯健不息日

行一度

經三千九百二十五里半其文是渾同文生物健健昊氣如此也

鑿者開也聖

人開作度者度路又道

度天地之度其說後文也

聖人鑿開天路顯

彰化源大天氏云一大之物目天

名目作天非天者也物也○按作字原本

誤作非今

一塊之物目地一炁之霽

也

名混沌

一混一炁一大

俱物不知何物以名目爲之聖人言

一氣分萬霸

萬性

先天也物先者也地者下物後也

之物分覺是上聖鑿破虛無斷氣爲二緣物成三天地

其形體也

漆者息絕

之道不漆黃帝曰觀上古聖驅駒元化

駒動也急

劈措萬業

音不息

徒得爲懋訓究體譯

訓認識也

元肇頤浚澳

作沐懸心輪薄不息以啓三光上飛籥風雨下穴

字

河沱

聖人輪薄智惠頤大道理開三光明上躍風雨下穴濟河沱之者江名若上下不止息也

得元

氣澄陰陽正易大行萬彙生

上四事聖人得源和緝劈措驅駒不有煩擾四理天

下萬彙易於世爲事幾
變易不定能成萬彙者

上古變文爲字變氣爲易畫卦

爲象象成設位

庖氏畫卦變文爲卦字也古體與今不同朴淳散成氣氣實成物物成性定理

然之

古文八卦

按此標題四字原本誤脫今據范本補入

三古文天字今爲乾卦重聖人重三而成立位得上下人倫王道備矣亦川字覆萬物

三古儷地字軒於乾古聖人以爲坤卦此文本於坤鑿度錄後人益之對乾位也

䷊ 古風字今巽卦風散萬物天地氣脉不通由風行之

逐形入也

按范本入下無也字

風無所不入

䷓ 古山字外陽內陰聖人以山含元氣積陽之氣成石可感天雨降石潤然山澤通元氣

䷁ 古坎字水情內剛外柔性下不上恒附於氣也大理在天潢篇

䷔ 古火字爲離內弱外剛外威內暗性上不下聖人知炎光不入於地

三 古雷字今爲震動雷之聲形能鼓萬物息者起之閉者啓之

三 古澤字今之兌兌澤萬物不有拒上虛下實理之澤萬物象斷流曰澤

昔者庖犧聖人見萬象弗分卦象位虧益之以三倍得內有形而外有物內爲體外爲事八八推蕩運造縱橫求索覓源尋頤究性而然後成

大象八

天乾地坤日離月坎風巽雷震山艮澤兌

八象備萬象生萬象萬形

有形之物爲象

立乾坤巽艮四門

乾爲天門聖人畫乾爲天門萬靈朝會衆生成其勢高
遠重三三而九九爲陽德之數亦爲天德天德兼坤數
之成也成而後有九萬形經曰天門闢元氣易始於乾
也

坤爲人門

此合在坤度下文今對乾文上先說

畫坤爲人門萬物蠢然俱

受蔭育象以準此坤能德厚迷遠含和萬靈資育人倫
人之法用萬門起於地利故曰人門其德廣厚迷體無
首故名無疆數生而六六者純陰懷剛殺德配在乾坤
形無德下從其上故曰順承者也

巽爲風門亦爲地戶聖人曰乾坤成氣風行天地運動
由風氣成也上陽下陰順體入也能入萬物成萬物扶
天地生散萬物風以性者聖人居天地之間性稟陰陽
之道風爲性體因風正聖人性焉萬形經曰二陽一陰

無形道也風之發洩由地出處故曰地戶戶者牖戶通天地之元氣天地不通萬物不蕃

按通字原本誤作道今從范本

艮爲鬼冥門上聖曰一陽二陰物之生於冥昧氣之起於幽蔽地形經曰山者艮也地土之餘積陽成體石亦通氣萬靈所止起於冥門言鬼其歸也衆物歸於艮艮者止也止宿諸物大齊而出出後至於呂申艮靜如冥暗不顯其路故曰鬼門

按如字范本作而古字如而相通今仍從原本

庖犧氏畫四象立四隅以定羣物發生門而後立四正

四正者定氣一日月出沒二陰陽交爭三天地德正四
已上四正八象中四正於氣也正天地不差忒定三萬
六千五百二十五分秒出沒者昏明一萬一千一百一
十一交爭一萬八千一百六
十二分秒德正四象氣滿

立坎離震兌四正

月坎也水魄聖人畫之二陰一陽內剛外弱坎者水天
地脉周流無息坎不平月水滿而圓水傾而昃坎之缺
也月者闕水道聖人究得源脉淋漓淪連上下無息在
上曰漢在下曰脉潮爲澮隨氣曰濡陰陽磅礴爲雨也

月陰精水爲天地信順氣而潮潮者水氣來往行險而
不失其信者也

按險字原本誤
作陰今從范本

日離火宮正中而明二陽一陰虛內實外明天地之目
萬形經曰太陽順四方之氣古聖曰燭龍行東時肅清
行西時暝曠行南時大暾行北時嚴殺順太陽實元煖
燠萬物形以鳥離燭龍四方萬物嚮明承惠照德實而
遲重聖人則象月即輕疾日則凝重

按則范本
亦作即

天地之

理然也

雷木震日月出入門日出震月入於震震爲四正德形
鼓萬物不息聖人畫二陰一陽不見其體假自然之氣
順風而行成勢作烈盡時而息天氣不和震能飜息萬
物不長震能鼓養萬形經曰雷天地之性情也性情之
理自然萬形經論

按此四字
疑衍文

澤金水兌

按金水二字原本誤
作注文今從范本

日月往來門月出澤日

入於澤四正之體氣正元體聖人畫之二陽一陰重上
虛下實萬物燥澤可及天地怒澤能悅萬形惡澤能美

應天順人承順天者不違拒應人者澤滋萬業以帝王
法之故曰澤潤天地之和氣然也

聖人索象畫卦

配身一取象二裁形三取物四法天地宜五分上下屬

配身

乾爲頭首坤爲胃腹兌口離目艮手震足

取象法用

養身法頤 匹配法咸 造器設益 聚民以萃

裁形變文

古有四文今象變有三文後聖演陳六文今又八文以滋醇散不真朴散成氣

也者

順天文爲賁

象文互雜

設人文夬

書簡符圖

參鳥文離

五色文章○按此句

原本誤作服牛馬隨今從范本
范本離字作雜亦誤今併改正

象獸文革

五色文章○按此注複出

當有
一誤

取物制度

親踈噬嗑

間隔

御難設豫

防備預知

服牛馬隨

今畜隨人用

物敗以

剝

物老剝盡

法天地宜

聖人遠取仰觀天象以法其形畫卦又頤地道之宜也動植也

鼎象以器

神器傳國

苑閣法觀

壯觀宮庸

天市噬嗑

帛度斛肆

文昌六

局典

六苑六籍局

羽林法師

營壁屯伏

法漸地利

地有漸次生萬業

室法

家人

室家內理

法定主屯

建王立侯

分上下屬

按聖人索卦畫象條有分上下屬之目此四字當如上例別爲題舊本范本與

上下文連寫並誤今據文改正

聖人畫卦制度則象取物配形合天地之宜索三女三

男六十四象以上下分之陽三

三十卦象陽用○按此句原本誤作三十四屬

陽用今陰四三十四法上下分位已上六象

從范本屬陰用聖人始定

聖人設卦以用著

著者莢靈草蕭蒿之類也與天地氤

數叢生至四十九莖者是應天法也

生聖人度以虛實英草與天齊休萬

形經曰著生地於殷

殷中土也

凋殞一千歲一百歲方生四

十九莖足承天地數五百歲形漸幹實七百歲無枝葉

也九百歲色紫如鐵色一千歲上有紫氣下有靈龍神

龜伏於下軒轅本經曰紫著之下五龍十朋伏隱天生

靈莢聖人採之而用四十九運天地之數萬源由也

按自

聖人設卦以下當別爲一節
舊本范本俱與上文相屬誤

象成數生

易起無從無入有有理若形形及於變而象象而後數

易名有四義本日月相銜

日往月來古曰下有月爲易

又易者

生萬物不

難故易準

又易

變易不定輪轉交易陰陽是爲交易陰交於陽陽交於陰周圖反復若圖不息

天地也

聖人之道唯易無

易定

不更改天地名君臣位父子上下宜

蒼牙靈昌有

窮神智通冥昧

成孔演明經

蒼牙有熊氏庖犧得易源入萬業作用邇後昌成昌成者滋蔓昌溢孔甚其引明經

緯大行於後世以後代人蒼牙庖氏作易文王昌成繇辭孔子演行未知何據

聖人鑿開虛無

畎流大道萬彙滋溢陰陽成數

天數

一一者無也九用之爲九二十五數成爲用盡二十五三萬九千七百五十

五太極之物由此大數

地數

二二者有偶也六定三性三十乘上五滿八萬六千四百二十地極之大數物

此滿由

卦數 六

三千八百四

按八字范本作六

又位大二十二萬八千二十四

卦數

聖人通變盡萬物之理性吉凶古無吉字有損益以卦生之

爻數六

三百八十四通二萬二千八百二十四

聖人設卦爲人又爲事卦爲物

爻爲始終

衍天地合和數

古無衍字只云天地合數內變萬象

天地合一二得三合九六

十三十二餘一

合二十五及三十

得五

十五天地之

數五十五

乾策二百一十六

一策三十六 策滿六千九百一十二

坤策一百四十四

坤不能乾
純太陽

一策二十四 策滿四千六百八

八策

萬一千五百二十

古人合策同萬物春生夏長
秋衰冬藏四時也各配四方

日力月力

力其八卦生之氣力黃帝四分亦不盡
法起於太古攝提之前八逐方九千一

百十四月七日一遲一速
二十八日周餘二十五分

日八百四千八萬八千九百七十六分

秒七千五百六十五

月一千五百八十七萬九千八百八十四小分

五千六十

七微毋秒九十三不盡末

八象大盡數

二百二十八萬二千四百

盡

九百八十七分

小秒七十九分微

生天數

天本一而立一爲數源地配生六成天地之數合而成

水性天三地八

木

天七地二

火

天五地十

土

天九地四

金

運五行先水次木生火次土及金木仁火禮土信水智
金義又萬名經曰水土兼智信木火兼仁惠五事天性
訓成人倫

天地合策數五十五

在前說

所用法古四十九六而不用驅之六虛
數本生之數所用六虛上下四
方各配之一

著

撰著法在
著成經

四營十八策多少兼云而成其位天造聖智垂訓神謀及爾子孫教授不墜者焉

古文略

口古匱地度籀紂穴突陰隄陽怕息濇參軒輔討

立蔞燥

總釋二十九卦數例其間有數無數假象假物

屯二十年乃字何不需上三人三訟九戶三百不

象中二百一百三禡同師三錫何不比九三驅何不

五同人三九三歲高陵何不二年五六蠱繇三日甲何不

五臨八月陽復繇七日何不五上十年何不剝九日陽盡

頤三十年何不坎六簋二上三歲按此下晉繇三接以

進授何不明夷繇三日不食何不言五日睽繇二女長

少一車何不言解二九三狐何不三損繇二簋何不三

人多少與一人淳聖人十朋何不八益六十朋數盡大損

夬繇五剛五萃初一握默言一握困初三歲何不二革

九三就二就又震六遂七日何不八日三日漸九三歲

何不豐上三歲何旅六一矢小巽九三日何不言三

品何不五既濟九三年未濟四三年何不一年二年○

特甚今悉據
范本改正

易緯乾坤鑿度卷上

欽定四庫全書薈要卷五百七

經部

易緯乾坤鑿度卷下

坤鑿度

庖犧氏先文

公孫軒轅氏演籀

蒼頡修爲下文

坤鑿度者太古變乾之後次鑿坤度聖人法象知元氣

隕委

隕者濁委隕而不能上也

固甲作捍顓

浩字老物有甲堅固氣老捍禦太顓也凡捍怯

拒上天也○按

孕靈坤墜

古地字也坤者非地之名是地之作用以象地坤元萬物

之孕靈皆從神化者也

聖人斷元偶然成地

聖者有巢之先不知何氏斷元偶者足偶

成天之功

積土形不騫崩太極有地極成人極靈

古無人字

力者也

後作物爲人長塞之三材聖人知如履薄厚如資長極

有三極而立兩兩道天道地也

萬形經曰聖人知地道薄與天有銳更洪物資長也爐

灰經曰灰者死土以天元氣練十周十周者一千歲却

爲正神之土其味猶辛上聖以灰資地填圓塞化是也

灰可以資大土令地不銳薄聖人之大道土重厚物生

甘土薄物辛酸甘土土生產物秀而英實而已又天味辛

地味甘理之然也地土滋下不苦以天者役氣辛苦不

息每一日行一度以假風輪扶之一度三千九百二

十五里步○按洪物范注作法物資地范注作資土天

有太極地有太壇

天極高遠地極迷遠

黃帝曰天地宜盡闔

音地

道距水澈

天地盡有閭澈之所聖人不能測度地道以水盡爲澈澈者水窮也

女媧斷定

足其隕一址

其和氣散隕址不足以天氣清輕自然逐一隕育羣物址不能上也○按逐字原本

誤作濁令從范本

坤母運軸

注女媧氏地母經云女媧姓風名又曰踰西華黑水有孕女媧有

神斷地足立極練五色氣氣者石也補天門缺號曰女皇氏有靈通萬物決積水巨海也成八山封物號地土宜可食道人神運軸騰天元氣令物生生相續新新不傳十三代子孫法焉運軸蕃息也矣而後大

央氏百庭氏大元氏立坤元成萬物度推其理釋譯坤

性生育百靈效法之道矣

古無之也矣字後賢益之也三氏續媧皇化萬物也

坤元十性

坤爲人門

以坤之萬物門戶已在
上文說元定爲人門

坤德厚

薄不載羣物重厚可以匹天迷遠可以盡極坤
厚者能載積氣積氣者山石聖神不能窮其性

也

坤有勢

土德生而順其性有岡阜崎嶇之勢天高西
北勢上地勢下東南斯也有理出萬形經說

坤多利

陰極則殺陰和則利利者土地滋澤陰殺利者
物極則土侵殺利柔極剛長先霜及水先柔後

刑陰中有殺
秋義殺也

坤元有信

生物倍出故曰有信元
有信也已在上文說之

易平坤道平易

盈是反北荒平易萬里連均夫海者三分萬形經曰坎北方無海平易北荒迷

遠也

坤有大策

已在上文又數也

坤純陰正

萬形經曰不正自咎正順則正性存上大道曰上高則崩自咎也

坤法爲人腹

能藏大小荒穢孕含好惡法爲人腹事末源藏包之也○按此注末字疑作本

坤道有閉

閉塞源脉性不發洩萬物不化名之括包坤閉之時物不植賢聖不產大林不立大道將

敗名曰道匿

希夷名曰元有德十其形名八

坤有八色

聖人立坤元索八坤位好惡產物恐傷元氣均之八色之理萬形經曰色由體

性貌色

東下西上北黑南輕中殷甘滋厥土厚肌音肥實也東鹹西

淡南汚北荒

南土輕浮中土甘甜下土汚澤東鹵惡西淡土味辛赤北黑北荒多堅實也坤地薄

產萬物衰少不成厚有大永之林少者劣也○按注文赤北黑三字疑有脫誤

坤屬

其體類有九元氣裁坤之時分有九事有性有化有屬此女皇帝媧氏爲文具載

一離火 二巽風 三兌金

火爲坤母巽爲離父金乃坤孫以坤爲聖人則之象也

黨屬

坤性體

性與體殊前論性有十後說體有三

一刑殺 二默塞 三沈厚

一刑者陰體好殺刑罰如此默者充靜充塞不動沈者勢不自舉體沈也

坤有變化

一虛二簡順三潔凝

體包萬物能通其氣虛虛也簡不違萬物易承順於乾順也反體塞

而潔凝固重也反戰凝變理八卦也

庖犧氏畫坤卦有四象變理和蕩爲美凌蕩爲惡雜配

不和德匹成正互體反交形體不同

畫卦之始諸同効之

一惠位

惠訓順也

正八卦錯推順吉逆凶古無吉凶字有損益字不同正體亦聖人惡之變只如此至變也

坤來山附地兼山謙

聖人曰西南得朋東北喪朋乃終得正謙道不進也昇位可讓德无

違衆名曰謙此變理惠正也

二復反本

天地否

其物不通化源塞天地羣物俱蔽厄

地天泰

天地交萬彙和勅聖天元順物更通復泰

道也

三蕩配

火下有地晉

聖人曰明而順日新其德通進而有亨順蕩也古無亨字

地下有火明夷

反體凌蕩聖人不愈

四凌配

山存地剝

落下也剝道聖人凌犯相推盪象若不和萬物不爲美也形若不正萬業必爲崎斜乾坤

將盡蹇剝而行大崔嵬之數也

八卦坤道聖人釋動植之源

制靈經曰天有九道

天有九道日月恒經歷之道也

坤有四道

冥象化氣成

易有二道

吉

坤四運者上冥運

冥運道

聖人若乾之初又不顯隱默也坤之初道冥運塞源同乾初也

上冥運物性包蔽不顯其源出處不知潛隱固差忒

石含

璞若木含榴榴者癭之類

象道

制靈經曰假恐訓至也古文無解生曰象又假生曰寓

化象物邪象正體元

含靈孕曰天造羣物地成大象萬物立由象聖人設象象而自立物

因象有象自物生若植石玉出舒魚龍出
匠蘇味室植蘇望甘室若不可食由象化

氣化元

老氏曰坤氣不和物出不遂氣滯終沮氣滿終氣化不

永坤之元體存氣化存存存氣元氣賢與聖元氣不戮

不毀愚之戮訓
敗惡毀訓及也

物成坤化

坤道成

以元氣不侵害萬物自彰有害生不時育不和聖人之理亦如此也萬形經曰虛木受元體可

滿千歲體者氣也凡有壽永長之氣坤大輔輔者上發
因天地氤氲之元鷄入體與天不朽

乃應

乾先而後坤不敢事物物先輔贊於乾上發乃應也

庖氏曰坤輔於乾順亨

貞

亨貞字古本無今書之不知何氏述也先有行成字行成者亨貞也

輔依乾而行乾一

索而男坤一索而女依乾行道乾爲龍純顯氣氣若龍

乾類爲長也獸介之長爲

坤爲馬

聖以類爲馬馬者順行坤亦有龍太玄曰

尊百甲輔之於龍大輔也

土龍在坤不敢爭類馬思順體唯坤順之聖人知有上

德要下而奉故顯尊也坤之卑順輔乾不敢爲龍故稱

馬輔依

之理也

乾爲父坤爲母皆輔順天道不可違化

父資母育聖人法焉

乾君

坤臣

從王事不敢違无成有終君唱臣和上術下法聖人畫卦始有紀綱唯淳德化以行於君臣父子夫

婦定 乾稱德三坤以奉六故成乾九君尊臣卑下以職上聖人以索先乃

成之而奉六後也 乾二十五是坤乘之 坤三十天一地二天三地四

已載於上經文 乾二十五是坤乘之 坤三十天一地二天三地四

天五地六天七地八天九地十 乾位爻六坤承奉六得

者得 乾配者在上文說之矣 乾位爻六坤承奉六得

十六策地乘天道萬源行也不終 右乾覆坤乾元三含

違拒制靈經云六有依道之理也 右乾覆坤乾元三含

兩坤乾大策二百一十六 含坤小策一百四十四 大含小下

無取對上 大含小下

輔上聖人裁以天地聘輔而養萬元正其道

聖人象卦

庖犧氏曰 上文畫卦下文象卦以上山增艮艮住止坤

形象比而設其像似也 上山增艮艮住止坤

定風封信

聖人封立卦也卦信風以能相應萬形經曰風者天地之大信

立雷作威

雷

振懼威

水火成濟

二性成壞皆由此行聖人以濟用羣品

聖人法物

法物者事之本也

爭而後訟

契不先決後訟

和而後解

兩

不通而否

萬物與事不通決有塞捨

之否也

大通而泰

物通而泰行必泰

乖而後睽

物乖離

無懷氏曰上聖

頤天以盡象頤物以盡源頤事以盡情而後天平地成

萬穴効靈五物耕行三天不亂聖與造遊理俾冥運易

動而敷運化諸府

聖人庖氏大造元體情遊冥運究天地平成之理明萬業當物之行訓行

也易數散於三天氣潛通於五物物者事也亂治也治
行劈析令萬彙不撓蒼生効化物尚有處沉於大業帝

王人倫三天乾坤在道日月相將乾坤獲正道見用在

兩地已前說乾坤存存正之道大用

日與月相將合而又天地與訓永常天地恒日月與明

離不離乾坤者也天地與訓永常天地恒日月與明

天地得日月恒久明輝日月得雖未盡大道各彰彰洎

天地恒行明聖人理法亦然

性洎及也天生太大道易起太太之先易與天地爲

情性在體中而出入是天地者物易也事也物有事必

用若卦爲人又爲事若天爲易可以化事也比若天爲

卦又爲易也明抵訓示元蒼生息元知本之元唯聖人

自然物理也明抵示元知本之元唯聖人

造之本生成者也蒼生是天大化行天地也庖氏聖人

地之本無蒼生天抵不成知立大法

截鑿二度出化本生生者與之立成者與之實各令不失守天之大化可名易行變變而通通而天地大和萬彙澄陰陽靈聖賢於間天地大化行矣

庖氏著乾鑿度上下文

庖氏建治於宛墟今宋國陳留縣有八卦臺運著圖日月神朝

記緇韋冠服天一太一冊在

媯皇氏地靈母經

古母字女邊以子附近今不同媯皇女帝生黑水西華有神智斷地足立

極煉石補闕室天今見積炁石穴以六沈沙斷足有日精火具有乾六龍臺有陰陽見字鉤萬形經曰天地

失序必有沮泄媯皇用陰陽鈞治之也據今後聖有鈞命決媯氏一十五代法其王道禮樂物器依庖氏處九

州九州者庖氏定九土也○

按以見爲古鈞字似有誤

炎帝皇帝有易靈緯

神農氏建治於魯今泰山東曲阜縣也縣有教農療療者茆寧益上

聖門物器用缶盜船等師法古易爲考靈緯象太古有籀文元化不足大法諄言而益飾大象休徵法度已訓爾子孫改女皇之太樂吹天地橐籥鼓益有四聲有五法有二今樂臺在魯教農臺在頓者也○按此注文義難通當有訛脫處

公孫氏

公孫氏老孫氏名軒轅文法改籀篆理文作契典墳八冊九簡十牘咸易變大道之理法一依

上大庖氏之制也作易八墳文釋八卦之理性體元義增之一如上法遭之陽九百六不沈於泉天降聖文萬代不泯後附之

周易

文王姬昌之修明修作之始也聖教多難惟聖與賢知之於太古垂訓至孫公之後大百六數終遇

雨大浩又失其化教源至高辛代陽九數值火又焚之於後少求於嵩崗得河圖內有易法而重修再降大聖易大行又距禹代湯禹洪水浩浩襄陵汨沒五行易又喪元而於泰穴得洛書內有太易易之源流大易既行者今之連山歸藏之名緣而得之古祕斯書何賢知之而距於周王昌中聖而又修源範軌不墜門例恒存此乾坤二鑿度上下文恐是序乾坤之元體與易大行者也若失易得此二度再與起之興也若失度易無以舉也之也

孔子附仲尼魯人生不知易本偶筮其命得旅請益於商瞿氏曰子有聖智而無位孔子泣而曰天也命也鳳鳥不來河無圖至嗚呼天命之也嘆訖而後息志停讀

禮止

住也

史削

不作

五十究易作十翼明也明易幾教若曰

終日而作思之於古聖頤師於姬昌法旦

旦者周公立易簡而文

作九問十惡七正八嘆上下繫辭大道大數大法大義

易書中爲通聖之問明者以爲聖賢矣

若明易元聖人也

孔子

曰吾以觀之曰仁者見爲仁幾之文智者見爲智幾之
問聖者見爲通神之文仁者見之爲之仁智者見之爲
之智隨仁智也


漢代舉

後漢王鳳舉曰不讀易經者不得登朝須道德二經與宰相剝勅批魏亦如此至唐虞世南舉

曰不讀易不
可爲宰相

舉先易而後依孔子 附於後是代代書之後人書之
不得爲先文也

易緯乾坤鑿度卷下



總校官庶吉士 臣 張能照

校對官編修 臣 馬啟泰

謄錄監生 臣 沈智

欽定四庫全書薈要

經部

易緯乾鑿度卷上

下



詳校官祭酒臣韋謙恒

欽定四庫全書薈要

易緯乾鑿度

提要



臣等謹按周易乾鑿度鄭康成注與乾坤鑿度本實二書晁公武並指為蒼頡修古籀文誤併為一永樂大典遂合加標目今考宋志有鄭康成注易乾鑿度三卷而不及乾坤鑿度則知宋時固自單行也說者稱其書出於

先秦自後漢書南北朝諸史及唐人撰五經正義李鼎祚作易傳徵引最多皆於易旨有所發明較他緯獨爲醇正至於太乙九宮四正四維皆本於十五之說乃宋儒戴九履一之圖所由出朱子取之列於本義圖說故程大昌謂漢魏以降言易老者皆宗而用之非後世所託爲誠稽古者所不可廢矣原本文字斷缺多有訛舛謹依經史所引各文及旁

採明錢叔寶舊本互相校正增損若干字其
定為上下二卷則從鄭樵通志之目也乾隆
四十一年八月恭校上

總纂官

臣紀昀
臣陸錫熊
臣孫士毅

總校官
臣陸費墀

欽定四庫全書薈要卷五百八

經部

易緯乾鑿度卷上

漢 鄭康成 注

孔子曰易者易也變易也不易也管三成為道德苞籥

管統也德者得也道者理也籥者要也言易道統此三
事故能成天下之道德故云包道之要籥也○按為道

德三字明錢叔
寶本作德為道
易者以言其德也通情無門藏神無內

也
之性莫不自得也
光明四通飭易立節
飭易者寂然
無為之謂也

○按飭字錢本正
文及注並作佼
天地爛明日月星辰布設八卦錯序

律歷調列五緯順軌

五緯五星也

四時和粟莩結

莩育也結成也

四

瀆通情優游信潔

水有信而清潔○按瀆字原本誤作時今從錢本

根著浮流

根著者草木也浮流者人兼鳥獸也

氣更相實

此皆言易道無爲故天地萬物各得以自通也

虛

無感動清淨炤哲

炤明也夫惟虛無也故能感天下之動惟清淨也故能炤天下之明

移

物致耀至誠專密

移動也天確爾至誠故物得以自專也

煩不撓淡泊不失此其易也

未始有得夫何失哉

變易也者其氣

也

按其氣原本作其變今從錢本

天地不變不能通氣

否卦是也

五行迭終

四時更廢

天道如之而況於人乎

君臣取象變節相和能消者息

文王是也

必專者敗

殷紂是也

君臣不變不能成朝紂行酷虐天

地反

不能變節以下賢也

文王下呂九尾見

文王師呂尚遂致九尾狐瑞也

夫婦

不變不能成家妲己擅寵殷以之破

不變節以逮衆妾也

大任順

季享國七百此其變易也不易也者其位也天在上地

在下君南面臣北面父坐子伏此其不易也故易者天

地之道也乾坤之德萬物之寶至哉易一元以為元紀

天地之元萬物所紀

孔子曰方上古之時人民無別羣物無殊未

有衣食器用之利

天地炁淳人物恬粹同於自得故不相殊別人雖有此而用之故行而無

迹事而勿傳也於是伏羲乃仰觀象於天俯觀法於地中觀萬

物之宜始作八卦以通神明之德以類萬物之情

伏羲之時

物漸流動是以因別八卦以鎮其動也

故易者所以經天地

按經天地錢本作繼天地

理人倫而明王道

王道繼天而已

是故八卦以建五氣以立

五常以之行

天地氣合而化生五物

象法乾坤順陰陽以正君臣

父子夫婦之義

天地陰陽尚有尊卑先後之序而況人道乎

度時制宜作網

罟以畋以漁以贍人用

時有不贍因制器以宜之

於是人民乃治君

親以尊臣子以順羣生和洽各安其性八卦之用

安猶不失

也順其度而道之因其宜而制之
則天下之志通萬類之情得也
伏羲氏之王天下也

始作八卦結繩而爲網罟以畋以漁蓋取諸離質者無

文以天言此易之意
夫何爲哉亦順其自通而已耳當此之時天氣尚淳物情猶樸是故

伏羲聖亦因以質法化夫八卦之變象感在人
人情變動因設

變動之又以効之文王因性情之宜爲之節文
九六之辭是也

孔子曰易始於太極
氣象未分之時天地之所始也太極分而爲二
七

六故生天地
輕清者上爲天重濁者下爲地天地有春夏秋冬夏之節故

生四時四時各有陰陽剛柔之分故生八卦八卦成列

天地之道立雷風水火山澤之象定矣其布散用事也
震生物於東方位在二月巽散之於東南位在四月離
長之於南方位在五月坤養之於西南方位在六月兌
收之於西方位在八月乾制之於西北方位在十月坎
藏之於北方位在十一月艮終始之於東北方位在十
二月八卦之氣終則四正四維之分明生長收藏之道
備陰陽之體定神明之德通而萬物各以其類成矣
萬物是八卦之象定其位則不遷其性
不淫其德矣故各得自成者也 皆易之所包也至矣

哉易之德也孔子曰歲三百六十日而天氣周八卦用

事各四十五日方備歲焉

其中猶自有斗分此重舉大數而已

故艮漸正

月巽漸三月坤漸七月乾漸九月而各以卦之所言爲

月也

乾御戌亥在於十月而漸九月也

乾者天也終而爲萬物始北方

萬物所始也故乾位在於十月艮者止物者也故在四

時之終位在十二月巽者陰始順陽者也陽始壯於東

南方故位在四月坤者地之道也形正六月四維正紀

經緯仲序度畢矣

四維正四時之紀則坎離爲經震兌爲緯此四正之卦爲四仲之次序也

孔子曰乾坤陰陽之主也陽始於亥形於丑乾位在西

北陽祖微據始也

陽炁始於亥生於子形於丑故乾位在西北也

陰始於巳形

於未據正立位故坤位在西南陰之正也

陰炁始於巳生於午形於

未陰道卑順不敢據始以敵故立於正形之位

君道倡始臣道終正是以乾位

在亥坤位在未所以明陰陽之職定君臣之位也

孔子曰八卦之序成立則五氣變形故人生而應八卦之體得五氣以為五常仁義禮智信是也夫萬物始出於震震東方之卦也陽氣始生受形之道也故東方為

仁成於離離南方之卦也陽得正於上陰得正於下尊

卑之象定禮之序也故南方為禮入於兌兌西方之卦

也陰用事而萬物得其宜義之理也故西方為義漸於

坎坎北方之卦也陰氣形

按陰氣形句下原本有復十
八世至壬癸為水一節乃後

文錯簡重出而自盛陰陽至一變而為七一節復錯在
後丘文以候授明之出莫能雍之下今並依錢本改正

盛陰陽氣含閉信之類也故北方為信夫四方之義皆

統於中央故乾坤艮巽位在四維中央所以繩四方行

也智之決也故中央為智故道興於仁立於禮理於義

定於信成於智五者道德之分天人之際也聖人所以
通天意理人倫而明至道也昔者聖人因陰陽定消息

立乾坤以統天地也夫有形生於无形乾坤安從生

天地

本無形而得有形則有形生於無形矣故繫辭曰形而上者謂之道夫乾坤者法天地之象質然則有天地則有乾坤矣將明天地之由故曰有太易有太初有太始

故先設問乾坤安從生也有太素也太易者未見氣也

以其寂然無物故名之為太易

太初者氣

之始也

元氣之所本始太易既自寂然無物矣馬能生此太初哉則太初者亦忽然而自生

太始

者形之始也

形見此天象形見之所本始也

太素者質之始也

地質之所本始

也 炁形質具而未離

按未離二字原本誤作形質今從錢本

故曰渾淪

雖舍

此三始而猶未有分判老子曰有物渾成先天地生

渾淪者言萬物相渾成而未

相離

言萬物莫不資此三者也

視之不見聽之不聞循之不得故曰

易也易无形畔

此明太易無形之時虛豁寂寞不可易以視聽尋繫辭曰易無體此之謂也

變而爲一

此一主北方氣漸生之始此則太初氣之所生也

一變而爲七

七主南方陽氣

壯盛之始也萬物皆形見焉此則太始氣之所生者也

七變而爲九

西方陽氣所終究之始也

此則太素氣之所生也

九者氣變之究也乃復變而爲一

此一則元氣形

見而未分者夫陽氣內動周流終始然後化生一之形氣也

一者形變之始清輕者

上爲天

象形見矣

濁重者下爲地

質形見矣

物有始有壯有究故

三畫而成乾

象一七九也夫陽則言乾成者陰則坤成可知矣

乾坤相並俱生

物有陰陽因而重之故六畫而成卦

陰陽剛柔之與仁義也

三畫

已下爲地四畫已上爲天物感以動類相應也易氣從

下生

易本無形自微及著故氣從下生以下爻爲始也

動於地之下則應於天

之下動於地之中則應於天之中動於地之上則應於

天之上

天氣下降以感地故地氣升動而應天也

初以四二以五三以上此

之謂應陽動而進陰動而退故陽以七陰以八爲彖

陽動

而進變七之九象其氣息也陰動而退變八之六象其氣消也○按此注與下注重出應屬衍文 易一

陰一陽合而爲十五之謂道

彖者又之不變動者五象天數奇也十象地之數偶

也合天地之數乃謂之道

陽變七之九陰變八之六

陽動而進變七之九象其氣息

也陰動而退變八之六象其氣消也

亦合於十五則彖變之數若之一也

九六爻之變動者繫曰又効天下之動也然則連山歸藏占彖本其質性也周易占變者効其流動也彖者斷

也

五音六律七變由此作焉故大衍之數五十所以成

變化而行鬼神也

行猶闔也○按注行字錢本作衍

日十干者五音也

甲乙角也丙丁徵也戊己辰十二者六律也

六律益六呂合十二

辰星二十八者七宿也

四方各七四七二十八周天也

凡五十所以大

闕物而出之者也

闕亦出也言辰七變繫於易象也

孔子曰陽三陰四

位之正也

三者東方之數東方日所出也又圓者徑一而周三四者西方之數西方日所入也又方

者徑一而四也

故易卦六十四分而爲上下象陰陽也夫陽

道純而奇故上篇三十所以象陽也

陽道專斷兼統陰事故曰純也

陰

道不純而偶故下篇三十四所以法陰也乾坤者陰陽

之根本萬物之祖宗也爲上篇始者尊之也離爲日坎

爲月日月之道陰陽之經所以終始萬物故以坎離爲

終

言以日月終天地之道也

咸恒者男女之始夫婦之道也人道之

興必由夫婦所以奉承祖宗爲天地主也故爲下篇始

者貴之也既濟未濟爲最終者所以明戒愼而存王道

夫物不可窮理不可極故王者亦常則天而行與時消

息不可安而忘危存而忘亡未濟者亦無窮極之謂者也
孔子曰泰者天地交通陰陽用事長養萬物也否者

天地不交通陰陽不用事止萬物之長也上經象陽

按原

本象字下無陽字今據錢本補

故以乾爲首坤爲次先泰而後否

先尊而後

卑先通而後止者

所以類陽事也損者陰用事澤損山而萬物損也下

損以事其上

象陽用事之時陰宜自損以奉陽者所以戒陰道以執其順者也

益者陽

用事而雷風益萬物也上自損以益下

當陰用事之時陽宜自損以益

陰者所以戒陽道以弘其化也

下經以法陰故以咸爲始恒爲次先損

而後益

咸則男下女恒則陽上而陰下先陰而後陽者以取類陰也

各順其類也

䷗

孔子曰昇者十二月之卦也陽氣升上陰氣欲承

萬物始進譬猶文王之修積道德弘開基業始即昇平之路當此時也鄰國被化岐民和洽是以六四蒙澤而承吉九三可處王位享于岐山爲報德也明陰以顯陽

之化民臣之順德也

民臣化順
文王之德

故言无咎

䷩

孔子曰益之六二或益之十朋之龜弗克違永貞

吉王用享于帝吉益者正月之卦也天氣下施萬物皆
益言王者之法天地施政教而天下被陽德蒙王化如
美寶莫能違害永貞其道咸受吉化德施四海能繼天
道也王用享于帝者言祭天也三王之郊一用夏正天

氣三微而成一著三著而成一體

五日爲一微十五日
爲一著故五日有一

候十五日成一氣也冬至陽始生積十五日至小寒爲
一著至大寒爲二著至立春爲三著凡四十五日而成

一節故曰三著而成體也正月則泰卦用事故曰成體而郊也方知此之時天地交萬

物通故泰益之卦皆夏之正也此四時之正不易之道也故三王之郊一用夏正所以順四時法天地之道也

䷐ 孔子曰隨上六拘繫之乃從維之王用享于西山

隨者二月之卦隨德施行藩決難解大壯九三爻主正月陰氣猶在故羝

羊觸藩而羸其角也至于九四主二月故藩決不勝羸也言二月之時陽氣已壯施生萬物而陰氣漸微不能

為難以障閉陽氣萬物隨陽而出故上六欲待九五拘故曰藩決難解也

繫之維持之明被陽化而陰欲隨之也譬猶文王之崇

至德顯中和之美拘民以禮係民以義當此之時仁恩所加靡不隨從咸悅其德得用道之王故言王用享于

西山

是時紂存未得東巡故言西山

孔子曰陽消陰言央陰消陽言剝

者萬物之祖也斷制除害全物為務央之為言決也當三月之時陽盛息消央陰之氣萬物畢生靡不蒙化譬猶王者之崇至德奉承天命伐決小人以安百姓故謂之決夫陰傷害為行故剝之為行剝也當九月之時陽炁衰消而陰終不能盡陽小人不能決君子也謂之剝

言不安而已

直剝落傷害使萬物不得安全而已然不能決君子

是以夬之九五

言決小人

經曰覓陸夬夬中行無咎

剝之六五言盛殺萬物皆剝墮

落譬猶君子之道衰小人之道盛侵害之行興安全之

道廢陰貫魚而欲承君子也

陽衰之時若能執柔順以奉承君子若魚之序然後

能寵無不利也

孔子曰易有六位三才天地人道之分際也三

才之道天地人也天有陰陽地有柔剛人有仁義法此

三者故生六位六位之變陽爻者制於天也陰爻者繫

於地也天動而施曰仁地靜而理曰義仁成而上義成

而下上者專制下者順從正形於人則道德立而尊卑

定矣

震主施生卯爲日出象人道之陽也兌主入悅酉爲月門象人道之柔也夫人者通之也德之經也

故曰道德立者也

此天地人道之分際也天地之氣必有終始

六位之設皆由上下故易始於一

易本無體氣變而爲一故氣從下生也

分於二

清濁分於二儀

通於三

陰陽氣交人生其中故爲三才

於四

□□□□

□□按原本脫於四二字及闕文九方空今據錢本補入

盛於五

二壯於地五壯於天故爲盛也

終

於上初爲元士

在位卑下

二爲大夫三爲三公四爲諸侯五

爲天子上爲宗廟

宗廟人道之終

凡此六者陰陽所以進退君

臣所以升降萬人所以為象則也故陰陽有盛衰人道

有得失聖人因其象隨其變為之設卦方盛則託吉將

衰則寄凶

聖人之見物情有得失之故寄託陰陽之盛衰以斷其吉凶也

陰陽不正皆

為失位

初六陰不正九二陽不正○按錢本作陰陽失位皆為不正

其應實而有之

皆失義

陰有陽應陽有陰應實者也既非其應設使得而有之皆為非義而得也雖得之君子所不貴

也善雖微細必見吉端惡雖纖芥必有悔吝所以極天

地之變盡萬物之情明王事也

王者亦當窮天地之理類萬物之情

丘繫

之曰立象以盡意設卦以盡情偽

以象盡天地之意重之盡萬物之變者也

繫辭焉以盡其言孔子曰易六位正王度見矣孔子曰

易有君人五號也帝者天稱也王者美行也天子者爵

號也大君者與上行異也

臨之九二有中和美異之行應於五位故百姓欲其與上

爲大君也大人者聖明德備也變文以著名題德以別操夫

人一也應跡不同而生五號故百姓變其文名別其操行

王者天下所歸往易曰在

師中吉无咎王三錫命師者衆也言有盛德行中和順

民心天下歸往之莫不美命爲王也行師以除民害賜

命以長世德之盛

武王受命行師以除民害遂享七百之祚可謂之長世也

天子者

繼天理物改一統各得其宜父天母地以養萬民至尊

之號也易曰公用亨于天子

大有九三曰公用亨于天子小人不克害也文王爲

紂三公百姓悅樂文王之德文王享天子之位以決罰小人之罪也

大君者君人之盛者

也易曰知臨大君之宜吉臨者大也陽氣在內中和之

盛應于盛位浸大之化行于萬民故言宜處王位施大

化爲大君矣臣民欲被化之詞也大人者聖人之在位

者也夫大人者與天地合其德易曰見龍在田利見大

人又曰飛龍在天利見大人言德化施行天地之和故

曰大人

孔子曰既濟九三高宗伐鬼方三年剋之高宗者武丁

也湯之後有德之君也九月之時陽失正位盛德既衰

而九三得正下陰能終其道濟成萬物猶殷道中衰王

道陵遲至于高宗內理其國以得民心扶救衰微伐征

遠方三年而惡消滅成王道

按王道上原本脫成字今據錢本補入

殷人

高而宗之文王挺以校易勸德也

挺出高宗以言昭易義所以勸人君修德

也者孔子曰易本陰陽以譬於物也撥序帝乙箕子高宗

著德易者所以昭天道定王業也上術先聖考諸近世
采美善以見王事言帝乙箕子高宗明有法也美帝乙
之嫁妹順天地之道以立嫁娶之義義立則妃匹正妃
匹正則王化全

孔子曰泰者正月之卦也陽氣始通陰道執順故因此
以見湯之嫁妹能順天地之道立教戒之義也至于歸
妹八月卦也陽氣歸下陰氣方盛故復以見湯妹之嫁
以天子貴妹而能自卑順從變節

下嫁以從夫
故曰變節也

而欲承

陽者以執湯之戒

此謂教戒之義

是以因時變一用見帝乙之

道所以彰湯之美明陰陽之義也孔子曰自成湯至帝

乙帝乙湯之玄孫之孫也此帝乙即湯也殷錄實以生

日爲名順天性也玄孫之孫外絕恩矣

玄孫之孫五世之末外絕恩矣

同以乙日生疏可同名

同以乙日生天錫之命疏可同名

湯以乙生嫁

妹本天地正夫婦夫婦正王道興矣故曰易之帝乙爲

成湯書之帝乙六世王同名不害以明功

孔子曰紂者所以別尊卑彰有德也故朱赤者盛色也

南方陽盛之時是以聖人法以爲紱服欲百世不易也故困九五文王爲紂三公故言困于赤紱也至于九二周將王故言朱紱方來不易之法也

孔子曰易天子三公諸侯紱服皆同色困之九二困于酒食朱紱方來九五劓刖困于赤紱乃徐有說天子三公九卿朱紱諸侯赤紱

朱赤雖同而有深淺之差

困之九二有中和

居亂世交於小人又困于酒食者困于祿也

因其祿薄故無以爲

酒食赤紱者賜大夫之服也文王方困而有九二大人之

行將錫之朱紱也其位在二故以大夫言之

文王雖紂三公而爲

小人所困且進不得伸其職事也故遂同於大夫二爲大夫也

至於九五劓剛不安也

文王在諸侯之位上困於紂故曰困于赤紱夫執中和

順時變以全王德通至美矣故曰乃徐有說丘記諸彖

曰困而不失其所亨也貞大人吉以剛中也

按此節與前孔子曰

自成湯至帝乙一節並複見下卷辭句微異鄭注互有詳畧原本及錢本俱同今仍之

易緯乾鑿度卷上

欽定四庫全書薈要卷五百九

經部

易緯乾鑿度卷下

漢

鄭

康

成

注

孔子曰自成湯至帝乙帝乙湯玄孫之孫也帝乙則湯

殷錄質

王者之政一質一文以變易從初殷錄相次質也

以生日爲名順天性

也玄孫五世之末外絕恩矣同日以乙天之錫命疏可

同名

仁恩已絕則不能避故小殷以是日同故曰天之錫命矣

湯以乙生嫁妹本天

地之義順陰陽之道以正夫婦夫婦正則王教興

正夫婦者

乃所以興王教於天下非苟也

易之帝乙爲湯書之帝乙六世王名同

不害以明功

易與尚書俱載帝乙雖同名不相害各以明其美功也

孔子曰易天子三公諸侯紱服皆同色困九二困于酒

食朱紱方來九五劓刖困于赤紱

謂朱紱同爲色者其漆法同以淺深爲之

差也夫困之九二有中和居亂世交於小人困于酒食者

困于祿也朱紱者天子賜大夫之服而有九二大人之

行將賜之朱紱其位在二故以大夫言之

困于祿者祿少薄也至

于九五劓刖者不安也文王在諸侯之位上困於紂也

故曰剝剝困于赤第夫執中和順時變所以全王德通

至美也乃徐有說

赤第紂所賜文王所以喻紂也以巽順而變故終無災

丘記彖

曰困而不失其所亨貞大人吉以剛中也文王因陰陽

定消息立乾坤統天地夫有形者生於無形則乾坤安

從生

消息寒溫之氣而陰陽定寒溫此三微生著而立乾坤以天地之道則是天地先乾坤生也天有象

可見地有形可處若先乾坤則是乃天地生乾坤或云有形生於無形則爲反矣如是則乾坤安從生焉若怪

而問之欲說其故

故曰有太易有太初有太始有太素

將說此也時人

不知問故先張所由以爲本使易陵猶故也

太易者未見氣太初者氣之始

太始者形之始太素者質之始

太易之始漠然無氣可見者太初者氣寒溫始

生也太始有兆始萌也太素者質始形也諸所爲物皆成包裹元未分別

氣形質具而未相

離故曰渾淪言萬物相渾淪而未相離

此極說太素渾淪今人言質率

爾有能散之意

視之不見聽之不聞循之不得故曰易也易無

形埒也

此又說上古太易之時始有聲氣曰埒尚未有聲氣惡有形兆乎又重明之禮記夏小正十二

月雞始乳也

易變而爲一一變而爲七七變而爲九九者氣

變之究也乃復變而爲一一者形變之始清輕上爲天

濁重下爲地

易太易也太易變而爲一謂變爲太初也一變而爲七謂變爲太始也七變而爲九

謂變爲太素也乃復變爲一一變誤耳當爲二二變而爲六六變而爲八則與上七九意相協不言如是者謂足相推明耳九言氣變之究也二言形之始亦足以發之耳又言乃復之一易之變一也太易之變不惟是而已乃復變而爲二亦謂變而爲太初二變爲六亦謂變而爲太始也六變爲八亦謂變而爲太素也九陽數也言氣變之終二陰數也言形變之始則氣與形相隨此也初太始之六見其先后耳繫辭天一地二天三地四天五地六天七地八天九地十奇者爲陽偶者爲陰奇者得陽而合偶者得陰而居言數相偶乃爲道也孔子於易繫著此天地之數下乃言子曰明天地之道本此者也一變而爲七是今陽爻之象七變而爲九是今陽爻之變二變而爲六是今陰爻之變六變而爲八是今陰爻之象七在南方象火九在西方象金六在北方象水八在東方象木自太易至太素氣也形也既成四象又備於是清輕上而爲天重濁下而爲地於是而開闔

也天地之與乾坤氣形之與質本同時如表裏耳以有形生於無形問此時之言斯為之也

物有始

有壯有究故三畫而成乾乾坤相並俱生

物於太初時如始太始時

如壯太素時如究而后天地開闢乾坤卦象立焉三畫成體象卦亦然

物有陰陽因而重

之故六畫而成卦

此言人皆所及無苟然

卦者掛也掛萬物視而

見之故三畫已下為地四畫已上為天物感以動類相

應也陽氣從下生動於地之下則應於天之下動於地

之中則應於天之中動於地之上則應於天之上故初

以四二以五三以上此謂之應陽動而進陰動而退故

陽以七陰以八爲彖易一陰一陽合而爲十五之謂道
陽變七之九陰變八之六亦合於十五則彖變之數若
一陽動而進變七之九象其氣之息也陰動而退變八
之六象其氣之消也故太一取其數以行九宮四正四
維皆合於十五太一者北辰之神名也居其所曰太一
常行於八卦日辰之間曰天一或曰太
一出入所遊息於紫宮之內外其星因以爲名焉故星
經曰天一太一主氣之神行猶待也四正四維以八卦
神所居故亦名之曰宮天一下行猶天子出巡狩省方
岳之事每率則復太一下行八卦之宮每四乃還於中
央中央者北神之所居故因謂之九宮天數大分以陽
出以陰入陽起於子陰起於午是以太一下九宮從坎

宮始坎中男始亦言無適也自此而從於坤宮坤母也又自此而從震宮震長男也又自此而從巽宮巽長女也所行者半矣還息於中央之宮既又自此而從乾宮乾父也自此而從兌宮兌少女也又自此而從艮宮艮少男也又自此而從離宮離中女也行則周矣上遊息於太一天一之宮而反於紫宮行從坎宮始終於離宮數自太一行之坎為名耳出從中男入從中女亦因陰陽男女之偶為終始云從自坎宮必先之坤者母於子養之勤勞者次之震又之巽母從異姓來此其所以敬為生者從息中而復之乾者父於子教之而已於事逸也次之兌又之艮父或老順其心所愛以為長育多五少大小之行已亦為施此數者合十五言有法也

音六律七宿由此作焉

作起也見八卦行太一之宮則八卦各有主矣推此意則又知

日辰及列宿亦有事焉故曰由此起日辰及列宿皆係八卦是以云也

八卦之生物也畫

六爻之移氣周而從卦

八卦生生物謂其歲之八節每一卦生三氣則各得十五日今言

畫六爻是則中分之言太史司刻漏者每氣兩箭猶是生焉

八卦數二十四以生陰

陽衍之皆合之於度量

數二十四者即分八卦各為三氣之數於是復云以生陰陽則

中分為四十八也衍推極其數之本十二而候氣十二而候律周焉衍生十二合二十四氣與八卦爻用事之數通衍之如是者三極於六十乃大備合於度量雅衍之數可以知政得失無所苟焉度謂用律之長短量謂所容之多少也○按推衍之

陽析九陰析六陰陽之析

數三句原本訛脫今從錢本

各百九十二以四時乘之八而周三十二而大周三百

八十四爻萬一千五百二十析也故卦當歲爻當月析

當日大衍之數必五十以成變化而行鬼神也故曰日
十者五音也辰十二者六律也星二十八者七宿也凡
五十所以大闔物而出之者故六十四卦三百八十四
爻戒各有所繫焉故陽唱而陰和男行而女隨天道左
旋地道右遷二卦十二爻而暮一歲從陽析九至暮一歲此又析之所由
及卦爻析與歲月及日相當之意而其文亦錯亂陽析
九至八而周律辭不相理自是脫誤三百八十四爻至
析當日是一簡字故六十四卦至期一歲是二簡字而
大衍之說雜其間云是換脫此皆衍數之事較其次序
合補其脫正其誤復其換得無傷於脫贅敗賊於上言
衍之皆合之度量因承其大衍之數五十所以成變化

而行鬼神也故曰日十者五音也辰十二者六律也星二十八宿者七宿也凡五十所以大闕物出之者也陽析九陰析六陰陽二析合一百九十二爻故當以陰爻乘陰析合之以四時乘之并合之三百八十四爻萬一千五百二十析也故卦當歲爻當月析當日天道左旋地道右遷二卦十二爻而期一歲三十二而大周如是則合之度量而至是大周七簡適盈皆合二正亦可知之夫八十四戒者十二消息爻彖之變消息於雜卦為尊每月者譬一卦而位屬焉各有所繫是謂八十四戒必連數之者見四百五十變而周矣 乾陽也

坤陰也並治而交錯行乾貞於十一月子左行陽時六坤貞於六月未右行陰時六以奉順成其歲歲終次從於屯蒙屯蒙主歲屯為陽貞於十二月丑其爻左行以

間時而治六辰蒙為陰貞於正月寅其爻右行亦間時而治六辰歲終則從其次卦陽卦以其辰為貞丑與左行間辰而治六辰陰卦與陽卦同位者退一辰以為貞其爻右行間辰而治六辰泰否之卦獨各貞其辰共北辰左行相隨也中孚為陽貞於十一月子小過為陰貞於六月未法於乾坤三十二歲期而周六十四卦三百八十四爻萬一千五百二十析復從於貞

貞正也初次以此為正次

爻左右者各從次數之一歲終則從其次屯蒙需訟也陰卦與陽卦其位同謂與同日若在衝也陰則退一辰

者為左右交錯相避泰否獨各貞其辰言不用卦次泰卦當貞於戌否當貞於亥戌乾體所在亥又坤消息之月泰否乾坤離體氣與之相亂故避之而各貞其辰謂泰貞於正月否貞於七月六爻皆泰得否之乾否得泰之坤北辰左行謂泰從正月至六月皆陽爻否從七月至十二月皆陰爻否泰各自相從中孚貞於十一月小過貞於正月言法乾坤者著乾坤尚然示以承餘且有改也餘不見為圖者備列之矣期也周也皆一歲匝悟相避其於此月唯歲終矣爻析有餘也

歷以三百六十五日四分度之一為一歲易以三百六十析當期之日此律歷數也五歲

再閏故再扞而後卦以應律歷之數

歷以記時律以候氣氣率十五日一

轉與律相感則三百六十日粗為終也歷之數有餘者四分之一參差不齊故閏月建四時成歲令相應也

故乾坤氣合成亥音受二子之節陽生秀白之州載鍾
名太乙之精也其帝一世紀錄事明期推移不奪而消

焉

音假借字讀如鷄鷄之鷄包覆之意也音與詩奄有
九有同音此言律歷參差前却無常故乾居西北氣

合戌亥包覆二子之節交餘不齊當於斷焉陽猶象也
人象乾德而生者秀白之州字曰州乾氣白又九月之
節故謂秀白載猶樞也齊人月令云乾爲金金於鍾律
爲商人象乾德而生殖之一姓也商名也太一之精也
言太一常行乾宮降感其母而生之耳其帝一也其人
爲天子一世耳若堯舜者德聖明達見能識圖書爲君
德正者之多少又知其期推移易去之微故不見代而
自消退之自昔之退者此帝帝當是世猶乾在西北斷
律歷不齊也

元歷無名推先紀曰甲寅

推先爲歷始名言無
前也○按錢本正文

元歷十字作歷元名握先紀
日甲子歲甲寅注推字作握
求卦主歲術曰常以太歲

紀歲七十六爲一紀二十紀爲一部首即積置部首歲

數加所入紀歲數以三十二除之餘不足者以乾坤始

數二卦而得一歲末算即主歲之卦

部或爲部於是爲千五百二十歲時

人及它書之記爲部首則及也

即置一歲積日法二十九日與八十一

分日四十二除之得一命日月得積月十二與十九分

月之七一歲

置一歲積日爲實其法必通分乃成則實亦常通二通六三三以千五百三十九日

計下分三百八十五始必通是則以十九得乃除之去約多餘則一歲積月分定矣此爲計下分門時作法耳

計下分以四十一爲中其求一歲積月及以分直以此
記歲除積日月亦自得之今計已多積候故會稽尉劉
洪乾象法已爲五百八十九分之日百四十五而天度
有外內日月從黃道外則即計下分從內則下使外內
門狹歧使之然術家作純數家作數從時而見故言以
之者無常其實一也此一彼唯聖人能正之也矣以

七十六乘之得積月九百四十積日二萬七千七百五
十九此一紀也以二十乘之得積歲千五百二十積月
萬八千八百積日五十五萬五千一百八十此一部首

此法三部首而一元一
元而太歲復於甲寅

更置一紀以六十四乘之得積

日百七十七萬六千五百七十六

元不與卦當歲又當
月析當日之數相得

生之欲求其盡餘合之時故言更以起之
又不與元用合歲月畧記月數而已也 又以六十乘

之得積部首百九十二得積紀三千八百四十紀

再言紀者

又不用於所求但紀其數而殊之

得積歲二十九萬一千八百四十以

三十二除之得九千一百二十周此謂卦當歲者得積

月三百六十萬九千六百月其十萬七千五百二十月

者閏也即三百八十四爻除之得九千四百日之二十

周此謂爻當月者得積日萬六百五十九萬四千五百

六十八萬一千五百二十析除之得九千二百五十三

周此謂析當日者而易一大周律歷相得焉

易一大周者數備盡

於今入天元二百七十五萬九千二百八十歲昌以西

伯受命

受洛書命為天子也

入戊午部二十九年伐崇侯作靈臺

改正朔布王號於天下受錄應河圖

受命後五年而為此者孝經援神契

所謂文王優游典部即上所紀者數不可改其名而應圖猶如也如前世聖主河圖言之其數故應也○按錢本注而為此者句作乃為改此者數不可改其名而應圖猶如也二句作數不可改改其名而應猶如也

子曰三萬一千九百二十歲錄圖受命易姓三十二紀

一本作四十二軌

德有七其三法天其四法地五王有三十五

半聖人君子消息卦純者為帝不純者為王六子上不

及帝下有過王故六子雖純不為乾坤

易姓三十二萬三千三萬一千

九百二十歲中則乾率為七百六十此堯所為四十二者消息三十六六子在其數其三法天消息中三乾也其四法地消息中四三及六子之欲王有三十六消息六子也帝王始起河洛龍馬皆

察其首蛇亦然其首黑者人正其首白者地正其首赤者天正謹其友生之甲乙丙丁戊己庚辛壬癸各居應其國中以動靜逆順此天地神靈佐助之期吉凶之應

天者即龍蛇見者非常故謂友友猶異也於衆人為異知者為友各居其國者甲乙屬東於國各有所主若甲

為齊乙為東夷王者起於此國中動謂河洛之水靜謂陵陸之地以應動靜謂之龍蛇見於此為期龍則用其卦日蛇則用其卦月動謂河洛水靜謂陵陸地各如其迹也順逆者順之皆君澤逆之皆擾亂也亦爻

所生歲三百六十五日四分日之一以卦用事一卦六爻爻一日凡六日初用事一日天王諸侯也二日大夫也三日卿四日三公也五日辟六日宗廟爻辭善則善凶則凶

辟天子也上既曰爻見日之起者也所以於國矣又本察爻所生發於卦用事六日七分之中

以知起者之事來諸侯受其吉凶者惟天子而已天子之吉凶皆倣此者也

一軌享國之法

陽得位以九七九七者四九四七者也陰得位以六八

六八者四六四八也陽失位三十六陰失位二十四

四九

為三十六四七為二十八合得六十四四六為二十四
四八為三十二合得五十六此文王推爻為一世凡七
百二十歲歲軌是其居位年數也得位者兼
彖變而已有德者重也故軌七百二十歲

子受父母

之位行父母之事年而謂之數然自勉於軌即位不如

爻數即不勉於軌中厄紀

此謂受命之君享國之時當其軌年之初其子孫亦相承

位六爻之初位次數然有功德之繼體守文君則厄於
軌謂竟之其受命之君享國之時不當其軌年之初其
子孫承君值后不如爻之數則有不能之政則不厄於
軌謂不能竟之此不能之下當復有不字既脫耳中猶
遭也不能之君遭厄則絕死不嗣也帝王享年國其軌
相承各有定年有德延期不若有德雖有然至其元未

時則有繼體守文之君雖非真軌猶自竟其軌不
能之君值厄則絕矣延期或絕作此三與之則

孔子

曰洛書摘六辟日建紀者歲也成姬倉有命在河聖孔

表雄德庶人受命握麟徵易歷曰陽紀天心

建紀者謂大易爻六

七八九之數此道成於文王聖也孔表雄著漢當興以
庶人之有仁德受命爲天子此謂使以獲麟爲應易猶
象也孔子以歷說易名曰象也今

易象四篇是紀古說假借字耳

別序聖人題錄興亡

州土名號姓輔友符

言孔子將此應之而作讖三十六卷

亡殷者紂黑期

火代倉精受命女正昌効紀承餘以著當

火戊午部也午為火必言

火代者木精將生爲之將粗代土也又當為火子又使
其子爲木塞水是助倉精絕殷之象字或作之滅動効

承餘以著所當文王所出云今入元者是也○按正文
火代二字錢本作火戊注木精將生為之將粗代土也
二句錢本生字作王粗字作相代字作戊又使其子為
木塞水是助倉精絕殷之象二句錢本作又火使其子
為己塞水是明孔子曰推卽位之術乾坤三上中下坤
倉精絕殷之象

變初六復曰正陽在下為聖人故一聖二庸三君子四
庸五聖六庸七小人八君子九小人十君子十一小人
十二君子十三聖人十四庸人十五君子十六庸人十
七聖人十八庸人十九小人二十君子二十一小人二
十二君子二十三小人二十四君子二十五聖人二十

六庸人二十七君子二十八庸人二十九聖人三十庸

人三十一小人三十二君子三十三小人三十四君子

三十五小人三十六君子三十七聖人三十八庸人三

十九君子四十小人四十一聖人四十二庸人

三已上者三變

乾坤之體上極三從下起如是至有消息卦三十六子坎離震巽艮兌以次承之故錄圖受命易姓者三十二而一終也六子之坤坎靈圖也孔子曰極至德之世不過此乾三十二

世消坤三十六世消

乾坤之君德之至盛為其子孫相承之世如此而已數之已消也

代聖人者仁繼之者庸人仁世淫庸世艱

三十二君之率陽得正為

聖人失正為庸人陰失正為小人得正為君子今此之言似誤三十二君子又無仁人此宜言小云上云繼聖人者庸言仁者是相發耳既其字非小辟字又易若代聖人者庸繼之者小人相協其然乎小人之世淫庸則其世衆會

二陰之精射三陽當卦自掃

二陰金水也三陽火土木其王

也末也皆失其德陰則起大而強陽則柔劣而弱當各以所宜八卦之德掃更正其正也知命守錄

其可防鉤鈐解命圖興孔子曰丘文以候授明之出莫

能雍

鈤鈐二星近防上將去疎闊為解之者遇除禍之圖更興之也

孔子曰復十八世

消以三六也臨十二世消以二六也泰三十世消以二

九二六也大壯二十四世消以二九一五也夬三十二

世消以三九一四也

皆以爻正為之世數也復反臨不以一九數者復初九無據二正正

數中自泰以上卦數則壯矣坤靈圖云孔子以位三不正是謂興也孔子曰姤一世消無

所據也遯一世消據不正也否十世消以二五也觀二

十世消以二五四六也剝十二世消以三四也

復變數也更以

爻位變相發始遯變一爻世二爻世陰少故也

孔子軌以七百六十為世軌者

堯以甲子受天元為推術

甲子為部起十一月朔日每部者七十六歲如是世積

一千五百二十歲後復然則七十六歲之時十一月朔旦甲子堯既以此為一陰一陽而中分推以為軌度也

以往六來八往九來七為世軌者文王推爻四乃術數

易有四象文王用之焉往布六於北方以象水布八於東方以象木布九於西方以象金布七於南方以象火如是備為一爻而正為四營而成由是故生四八四九四七四六之數又倍之則每卦率得七百六十歲言往來者外陽內陰也

孔子曰以爻正月為享國數存六期者天子

正月誤字當正云一軌國之法其術意如此乃終存六期者謂與符厄所遭者言天子者不為四位之人也

欲求水旱之厄以位入軌年數除軌竿盡則厄所遭也

甲乙為饑丙丁為旱戊己為中興庚辛為兵壬癸為水

卧算為年立算為日

此術謂之意先置今所復值軌卦消息君六天子之軌數乾也則七

百六十八復也六百八十八坎則七百以作入軌年數除之者陽爻則除其十四陰爻則除五十六從初至上

如是再如軌意矣每除識其數於側至於求時而上則厄之所遭耳竿者爲軌餘年不足復除所識卧竿與立皆年數也今所求者主必除先入軌年數水旱兵饑得於日不用故分別之

矣先入軌數前代值之軌除其八年數者七百二十歲四十二歲者大周萬三百四十歲以除減上九上九咸自處其餘一欲得除一帝卦者以次除之數有多少欲得除日求之也如是乃救災度厄矣陽之法言陽推法術之將有求厄而爲之備也孔子曰天之將降嘉瑞

應河水清三日青四日青變爲赤赤變爲黑黑變爲黃各各三日河中水安井天乃清明圖乃見見必南向仰

天言

嘉善美也應者聖王爲政治平之所致水色每變其爲所長一明時治平無相勝害之者乾爲水爲

寒河圖將出故先清南之向天者
龍也圖有受而言謂乎興者也
見三日以三日見六

日以六日見九日以九日見十二日以十二日見十五

日以十五日見皆言其餘日

誤餘字也當為陵之聖王
聞河如天必下美德於己

前齊往受焉龍乃以圖授之其時不聞則不知往期龍
則至陵而授焉陵平地河水變日以備龍圖當以月三
日時無受之則后三日龍至陵當以一月六日龍見日
無受之者則后六日龍至陵自此為期驗故著之云陵
日皆言就者於陵
孔子曰帝德之應洛水先溫九日後
受之時亦扶同

五日變為五色玄黃天地之靜書見矣負圖出午聖人

坤主處置之氣洛水出焉后寒俱降嘉應効乾也
安靜由安井午者龜畏人今而一人故以午言
見五

日以五日見十日以十日見十五日以十五日見二十

日以二十日見二十五日以二十五日見三十日以三

十日

亦謂洛水辛日以備而無受之者龜六口見就龍陵而受焉期之意與上同也

孔子曰君

子亦於靜若龍而無角河二日清二日白二日赤二日

黑二日黃

君子次聖德者又降嘉瑞應河水亦爲變其日從其應之與見於清靜若龍無角神虵也

虵見水中用日也一日辰爲法以一辰二辰以三辰以

四五辰以六七辰以八九辰以十辰以十一辰以十二

辰

以言河水爲虵將出而變變而已備而無受之者虵不出水就陵而受之君子之德不能不致於此期從

不用日十二爲數者不累日也而當見而無受者以一日辰爲法謂用其明日期也辰當爲期也一日十二辰爲一丑辰而無受者期日丑辰見蛇亦見水中此有其期明驗也

夜不可見水中赤煌

煌如火英圖書蛇皆然也

英猶華也光龜之見水中同耳於是水中言之者二皆應

且便孔子曰復表曰角

表者人形體之章誠也名復者初震爻也震之體在卯日於出

馬又初應在六四於辰在丑爲牛牛有角復人表象

臨表龍顏

名臨者二爻而互體震震爲龍應在

六五六五離爻也體南方爲上故臨人表在顏也

泰表載干

干楠也名泰者三爻也而體艮艮爲

山山爲石體有以行懼難之器云應在上六於人體俱須參人表載於干土也○按於人體俱須參人表向錢本作於人體俱

大壯表握訴龍角大辰

艮卦至大壯而立體此爲乾其

四則艮爻井艮為手握訴者艮也井二則坎為水有脣
詩云寘之河之脣四名卦而震為龍故大壯人之表其
象也

夬表升骨履文

名夬者五立於辰在斗魁所指者又五於人體當艮卦於夬亦手體成其

四則震爻也為足其三猶艮爻於十十次值本於析七
耀之行起焉七者屬文北斗在骨足履文夬人之表象

明也
姤表耳參漏足履王知多權

姤初爻在巽巽為風風有聲而無形也九竅之

分目視形耳聽聲八卦屬坎坎為水水為孔穴象消卦
其道五事曰聽耳而三漏聽之至巽為股初爻最在下
足象消卦其姤離為明人君南面而治焉足行於其上
姤人表覆王是由然王人君最尊者離又為火火者土
寄位焉土數五當如姤氣於其上故八魚更得性耳巽
為進退又為近利有知而以進退求利此謂之姤焉者
陰氣之始故因**遯表日角連理**名遯者以離爻也離為
其逐表見其情

日消卦遯主六月於辰

未未為羊有角離南方之卦也五均南方為衡人之眉
上曰衡衡者平地連理或謂連珠者其骨起衡之遯人
表亦少少然詩含神霧云
四角主張熒惑司過也
否表二好文
細或為之時名
否卦者三也三

在五體艮之中艮為木多節否人之表二時象
之與三艮卦體五坤坤為文故性亦好文也
觀表出

準虎

名觀者亦在五艮之中而位上艮為山澤山通氣
其於人體則鼻也艮又門闕觀謂之闕準在鼻上

而高顯觀人表出之象艮為禽喙之
屬而當兌之上兌為口虎唇又象馬
剝表重童明歷元

名剝者五色也五離爻離為日童目子六五於辰又在
卯卯酉屬也剝離人表重馬五月卦體在艮終萬物始
萬物莫盛乎艮歷數以有終始剝人兼之性自
然表象參差神實為之難得縷耳所聞差也
此皆律

歷運期相一匡之神也欲所按合誠

主正月不三者此
人心之合誠春秋

懺卷名也洛書靈准聽曰氣五機七八合提九又結八九七

十二錄圖起

氣五機之五行機七二十七里也二十八宿以存焉二者用事以卦相提得一歲俱

終而太一行九宮及位遊相結每宮如卦之日則參差矣八九相乘七十二歲而七百二十歲復於冬至甲子生象其數以為軌馬故曰錄圖起之初世者戲也姬通紀河圖龍出洛書

龜予演亦八者七九也

初世也周禮曰凡日行水逆地功為之不行或勒伏羲初遺十

言之教而畫八卦至文王乃通其教演著陰陽人彖之言者也始倉甄節五七受命伏羲

文王皆倉精也始次言易之法度而五德按錢本無德字數運

七三十五君位在後又受文始甄紀也

不俗守錄以次第相改七九度變命失寶

俗猶從也順之後世之君

子不順行易道次第有名錄也者將起
代變滿七九六千三百則其王命也

合七八八名畢

升漸喜六十四精聖性象有錄第以所變承動動

畢猶悉令

也八八六十四之人於有天命也者即悉喜於將升進
也其性各有象謂若復表日角之屬錄次以象所變如
其世數姤復去遯臨起此謂君
臣則不然王命臣位俱列也
日者提不者殆易物之

慎命不在

殆於正也此言卦也雖有錄圖所當王必待
日旁有炁提之者乃復可起也無此炁者且

當止雖有錄圖第且勿順天命在今春秋
元命包曰精出於天提日而西北之也

件者霸橫者

距命歷掘執并投者上契輔摘推失排絀者咸名紀所

錯中與用材毀直

件乃橫與錯者三皆旁氣名投摘亡
排絀蓋為反氣投天役力之屬摘亡

微也排絀納也伯者齊桓晉文者距之若秦始皇者契輔推契而輔之也若夏太康之昆弟苴始毀者當任用賢才之臣毀者八風之時所行之見異五行旋代出輔皆有云為下行則此毀直或改作苴也

運相拒與更用事終始相討期有從至有餘運有託除

要有知衙合七八以視旋機審矣

接距相錯之言也或作拒訖除衙言命長

短在改之也

孔子曰至德之數先立木金水火土德合三百

四歲五德備凡一千五百二十歲大終復初其求金木

水火土德日名之法道一紀七十六歲因而四之為三

百四歲以一歲三百六十五日四分乘之凡為十一萬

一千三十六以甲為法除之餘三十六

按錢本三十六下有以三十六

四甲子始數立立算皆為甲旁算亦為甲以日次次之

母算者乃木金火水土德之日也德益三十六五德而止六日名甲子木德主春春生三百四歲庚子金德主秋成收三百四歲丙子火德主夏長三百四歲壬子水德主冬藏三百四歲戊子土德主季夏至養三百四歲六子德四正四正子午卯酉也而期四時凡一千五百二十歲終一紀五德者所以立尊號論天弗志長久

六日

名甲子謂五德竟至於六其號名爲甲子故林德後是六甲子故弗誤字當作常志古字與識同今時受作職也

者孔子曰丘按錄讖論國定符以春秋西狩題釗表命予亦握嬉帝之十二當興平嗣出妃妾妾得亂

十世孝明字也

不勤竭承維表循符當至者塞政在樞害時失命缺壽

以符瑞伏代災七錄握藉成年剝衰

當至寒林微之應閉不來也爲政如

此塞必在樞謂不用七政則害四時之氣

既元年命以當致瑞反代或爲佐之也期凶勅候修

身練缺郵專兌兌德始剋免延期

上以至深道之故以此言勸協掖之言聖

人承天意也殷勤然練猶澤郵過也兌或爲說也

自然之讖推引相拘沮思愈

知命不或世帝思圖也夫天道三微而成一著三著而

體成

三微而成一著自冬至至正月中為泰卦三著成體則四月為乾卦以三微一著之義則與三著成

體不協蓋寫之誤也原經之義三而成一著一爻也三

著成體乃泰卦也是則十日為微一月為著矣十有八

變而成卦之數忍未盡注意故不改隨上六拘繫之乃

從維之言六二欲九五拘之推六既為政應又非其事

六二蓋當作上六先師不改故亦不改主歲之卦注以

為泰否之卦宜貞戌亥蓋據屯蒙推之也為其圖者以

為貞戌酉按注則違圖按圖違經則失圖之矣而注亦

又錯今以經義推之同位陰陽退一辰相避也按圖位

無同時又何避焉不合一也又屯蒙之貞違經失義不


合二也否泰不比及月不合三也經曰乾貞於子坤貞

於未乾坤陰陽之主也陰退一辰故貞於未至於屯蒙

則各貞其日言歲終則各從卦次是也且屯蒙為法也

泰否言獨各貞於辰中孚小過言法乾坤蓋諸異者否
泰於卦位屬為衡法宜相避故言獨貞辰也北辰共者
否貞申右行則三陰在西三陽在北泰貞寅左行則三
陽在東三陰在南是則陰陽相比共復乾坤之體也中
孚貞於十一月子小過正月之卦也宜貞於母二月卯
而貞於六月非其次故言象法乾坤其餘衆卦則自貞
於其同位仍相避可知也謹撰所聞其餘君子為肫贅
而非之問其餘君子庸人求乎免也○按注六二蓋當
作上六原本誤作六二蓋
亦當六二今據錢本改正

易緯乾鑿度卷下



總校官庶吉士 臣張能照

校對官編修 臣馬啟泰

謄錄監生 臣沈智